

Fiche H1-i *Tipatshimun ushkat mashinaikana ennushteti*

Innuat tshishkutamuepanat kauapikueshiniti tshetshi innu-aiminiti, ka takushinniti tshetshi tshishkutamakuht aiemieunnu, uinuau kauapikueshiht ekue uauitahk eshi-pimipannit innu-aimunnu tshetshi uinuau apashtaht nenu. Uinuau ekue tutahk nenua ushkat mashinaikana ka innushteniti : uitamatsheu-mashinaikannu mak aimun-mashinaikannu, tshetshi tshishkutamuahk uitshi-kauapikueshimuaua.

Ne kauapikuesht Jean-Baptiste de la Brosse, kauapikuesht ka tshishkutamatshet, inniuishapan nemenu 30 shiship-pishimua 1724 nete Magnac Jauldes (Tshishe-mishtikushiu-assit) ekue eka inniut pipunnu 1782. Tshishkutamueu innua tshetshi tshitapataminiti mashinaikannu kie tshetshi mashinaitsheniti : tshishkutamueu tshe ishi-aiamianiti kie tshetshi nikamuniti.

Neme ushkat mashinaikan ka innushtet e tutakanit : aimieu-mashinaikan an. Nishutshishemitashumitannu ishpush unuipanitakanua mashinaikana etashteti : Nehiro-Iriniui Aiamihe Massinahigan [...] (Uabistiguiatsh, 1767 ; 2^e éd., 1817 ; 3^e éd., 1844)

(http://www.biographi.ca/fr/bio/la_brosse_jean_baptiste_de_4F.html)

Anitshenat kutakat ka takushiniht kauapikueshiht shaputuepanipangat nenu ka aitatusseniti uitshi-kauapikueshimuaua. Nukuannu nenu utatusseun ne kauapikuesht de la Brosse nepit nenu 1782, uapamakanuat anitshenat innuat nitau-tshitapatamuahk kie nitau-mashinaitsheuat utaimunuau nenu. Minekashish apu ut taht kauapikueshisht pekutaht tshetshi innu-aimiht. Uinuau innuat tshishkutamatishupangat tshetshi tshitapatahk kie tshetshi mashinataikau utaimunuau.

Eukuan ne kauapikuesht La Brosse uet apashtaiak^u neni innu-kapapeikushteshiti ume anutshish.